

婦人

三錫曰、婦人性多偏執、陰險、以故病百倍于男子、且號難治、大都與男子同、惟經血帶下、胎產乳鬱、差異、今採輯諸名家條分如左、

經水

月經古人命名、月水以月盈則缺、血海盈則下、理可見矣、然陰陽和平則應時、氣血乖戾則改度、故曰、血者氣之配、隨氣而行、先期而行者、氣之熱也、法當清之、四物加炒岑連梔子、生地、牡

丹皮、香附之類、後期而行者、血不足也、法當補之、八珍之類、將行而痛者、氣之滯也、當疎氣和血、芎歸、益母、香附、玄胡索、五靈脂、青陳皮、烏藥、蓬朮、肉桂、炮薑之類、來後作痛者、氣血俱虛也、色淡亦屬虛、八珍四物選用、錯經妄行者、氣之亂也、宜調其氣、紫者氣之熱也、黑爲熱之甚、宜涼血和氣、四物加香附、赤芍、柴胡、炒岑連之類、大抵經水將畢、或正行之際、真氣方虧、切忌破氣、尅伐、雖有他証、從經而治、乃可、如冒寒有表

補中湯加表藥

肥盛婦痰多經水不調須兼燥濕化痰二陳海石二朮芎歸香附等作丸藥

瘦弱人身體熱或潮熱經水或前或後且多屬血熱四物生地牡丹皮黃芩梔子香附及四製香附丸

將行作痛抑氣丸効四物加玄胡牡丹皮陳皮香附有火加條岑作丸服經後作痛爲虛熱四物加白朮炒黃芩香附

交加地黃丸

生地

老薑

各一斤

玄胡索

當歸

川芎

芍藥

各二兩

沒藥

一兩

木香

一兩

桃仁

去皮尖

人參

各兩

香附

八兩

右爲末、先以生薑汁浸地黃查以地黃汁浸

生薑查、晒乾皆以汁盡爲度、共十一味作

一處、晒乾研爲末、醋糊丸、空心

薑湯下

大抵經病、肝脾血燥、四物爲主、肝脾血虛、補中

益氣爲主、肝脾鬱結、歸脾湯爲主、肝經怒火、加
味逍遙散爲主、

脾虛有脾胃受虧、面色痿黃、四肢怠墮、右寸關
脉弦滑無力、是食少不能生化氣血、血不盈氣
閉、宜補中益氣、開胃、進食、脾胃和而飲食進、久
之經自行矣、

軀脂滿閉、脉沉伏、惡心、食少、肉多、色白、人屬痰
多、占住血海、所生之血亦少、宜化痰燥脾、升柴
二朮、二陳、導痰、越鞠、各加芎歸、選用、不可用地

黃

鬱悒脉弦數身潮熱作痛兩脇脹屬鬱悒肝燥
宜平肝氣養肝血是肝燥而不行也四物加香
附栢子仁知母青皮之類

不肥不瘦兩手俱細弱身熱倦怠屬氣血兩虛
八珍湯主之

胃火胃中伏火消穀善饑形體漸瘦脉數疾屬
胃燥不能生血宜瀉火養胃養生血潤燥卽東
垣三論之一是中焦源竭也

勞心有勞心太過、心血耗散、火動于中、心煩驚悸、月事不來、宜安心補血、降火、栢子養心丸、或補心丹、四物、加麥冬、栢子仁之類、

內經曰、月事不來者、胞脉閉也、胞脉者、屬于心而絡于胞中、有所勞心、心火亢盛、心氣不得下通、故經閉、宜先服降火之藥、次服五補丸、及衛生湯、治脾養血、并屬上焦、

陰虛火盛、脉弦數、空心服六味地黃丸、妙甚、大便秘結、小便雖清不利、而經水閉絕不行、右

尺脉洪數、乃下焦血海乾枯、宜調血潤燥、瀉胞絡中火邪、經自行矣、四物紅花桃仁泥、二門知母、黃柏、牛膝、作湯、日一服、屬下焦、

月水閉而飲食形容如故、或惡心阻隔、兩尺有力、是胎、卽方書所謂有病而無邪脉、此孕非病、所以不月是也、

血枯經閉、多身熱、身痛、脉必澁數、肌膚乾燥、不澤、內無嘔脹、四物加桃仁、紅花、脉弦細、陰虛經脉不通、小便短澁、四物加蒼朮、牛膝、陳皮、甘草、

作湯又用蒼莎丸加蒼耳酒芍藥爲丸就煎煎藥吞下

行經之際浣濯入冷或食冷物熱血得寒凝滯血海中每行經時腹痛不可忍宜芎歸玄胡索五靈脂蓬朮香附炮薑肉桂逐去惡紫血爲佳悲哭思想太甚月水不來宜舒鬱益氣補中益氣湯加青皮貝母香附

大病後經閉屬虛宜補脾養血元氣復自通小腹有塊作痛時白物下經水不通是血瘀宜

逐瘀流氣

丹溪方治過期不行杜牛膝搗汁大半碗入玄胡末一錢香附枳殼末各半錢空心湯調下必腰痛方是汚血

汚血在血海必痛且有形實者可通虛者慎之多鬱悶人心下脹懣不食經事不調身痛潮熱漸變骨蒸不食忽寒忽熱耳下結核癰癰馬刀形容枯槁脉弦數或細數瀉或沉結久之變成瘵益氣養榮湯神妙方出立齋心法多服自效

乃屢驗者、馬刀小規也圓者為癰癰長者為馬刀皆少陽經鬱結所致久成癰勞

經水過期、瘦人責之血少、四物加紅花、益母子

肥人過期、責于氣虛、有痰六君子、加芎歸

過期紫色有塊、血熱也、四物加牡丹皮、炒黃連

香附、

脉數而弦、細倦怠、日漸羸弱、潮熱、月水不通、屬

陰虛血少、陽火旺、火逼水涸、當養血益陰、慎勿

以毒藥通之、栢子仁丸、澤蘭湯妙、

栢子仁炒研牛膝酒伴卷栢各半澤蘭葉

此為試讀，需要完整PDF請訪問：www.erongbook.com

續斷

各二兩

熟地

用生者三兩忌鉄酒蒸搗膏

右爲末入地黃膏加蜜丸桐子大每服三十

丸空心米飲下

澤蘭湯

治同前

澤蘭

三兩

當歸

酒伴

芍藥

炒各一兩

甘草

五錢

右爲粗末每服五錢水二鍾煎至一鍾去查

溫服

逍遙散用歸芍白朮白茯苓甘草柴胡乃清肝和血之劑婦人肝經血分中有風有火妙品口燥

咽乾發熱盜汗食少皮膚搔痒小便澀滯悉皆
治之加丹皮梔子更佳

四物湯

月事不調此方爲主而變通之

當歸

酒洗

白芍

酒炒

川芎

熟地

吳崑醫方考曰無極之真二五之精妙合而凝
乾道成男坤道成女女以坤道用事故治婦人
者以陰爲主方其二七天癸至月事以時下者
女得坤之陰陰中必有陽故以七爲紀一七而
齒二七而天癸至也人受天地之氣以生故能

克肖天地、月天之陰也、以月而盈、以月而虧、故
女子之血、亦以三十日而一下也、血之下也、同
于月、故曰月事、經曰月事以時下、故能有子、是
以月事不調、宜此方爲主治、隨其寒熱虛實而
斟酌加減、使月事調勻、則陰陽和而萬物生、有
子之道也、是方也、當歸芍藥地黃皆味厚之品、
味厚爲陰中之陰、故能益血、拆而論之、當歸辛
溫能活血、芍藥酸寒能斂血、熟地甘濡能補血、
又曰當歸入心脾、芍藥入肝、熟地入腎、乃川芎

者、輒上輒下、而行血中之氣者也、此四物湯所以爲婦人調經之要藥、

脉數、血色紫黑爲血熱、本方加炒岑連、脉遲腹痛、血凝滯爲寒、加肉桂、炮薑、重者加附子、體厚有痰、加導痰湯、減地黃、瘦黑有火、加炒

山梔、黃柏、知母、牡丹皮、有悒鬱者、加香附、蒼朮、砂仁、神曲、有畱滯者、加桃仁、紅花、玄胡索、肉桂、氣虛者、參耆、來少、色淡、氣實者、加青皮、枳朴、來澁而痛、然亦有不宣者、又不可拘泥、氣

息機微、脉弱汗多者、忌川芎、恐其辛散也。大便
溏泄、忌當歸、恐其濡滑、益增下注也。脉遲腹痛、
不宜芍藥、恐其酸寒、益增中冷也。病後新產、更
忌腦膈痞塞、不宜地黃、恐其粘膩、益增泥滯也。
明者解之、昧者誤矣、

五補丸 補諸虛、安五臟、堅骨髓、養精神、

熟地

人參

牛膝

酒浸
去蘆

白茯苓

地骨皮

各等
分

右爲末、煉蜜丸、桐子大、每服三五丸、溫酒

下

衛生湯

當歸

白芍

各二兩

黃耆

三兩

甘草

一兩

右爲粗末每服五錢水二盞半煎一盞空心服氣虛倦怠加人參一兩

血枯經閉指血少腸胃枯燥者而言故東垣分三焦治悉以瀉火補血爲主上焦得之勞心治以三和謂四物涼膈當歸湯是也

以消穀善饑屬胃燥治主中焦用調胃承氣湯